



# Ankündigung WEF

*Interregionale Klimademo am 11. Januar 2020*

Hallo zäme, e möchti gärn öpis öbers WEF verzöue. S`WEF esch s`Wäutwirtschaftsforum, wo jöhrlech en Davos stattfendet. S`WEF bezeichnet sech säuber aus Forum, a däm international führendi Wertschaftsexpert\*inne, Politiker\*inne ond Journalescht\*inne zämechöme, zom über aktueli, globali Froge z`diskutiere. Näbe Wertschaft- ond Sozialpolitik befasse sech die Lüt ou med Gsondheits- ond Omwäutfroge.

Das heisst auso, dass d`Fädezieher vo eusem Wertschaftssystem zämechöme, zom öbers wiitere Gscheh berote. Es chöme auso die Lüt zäme, wo wörkli öpis z`säge hei uf dere Wäut. Ond obwou die Lüt zueständig wäre Klima- ond Omwäutpolitische Lösige z`fende, esch sets WEF get, de wäutwiiti CO<sub>2</sub>-Usstoss Jahr für Jahr wiiter aagstege.

Die Lüt sette auso über di herrschendi Klimakrise berote ond greffigi Lösige dezue fende. S`Klima set eigentlech Thema Nr. 1 si am WEF. Das esch aber ned so, chrzfreschtige, ökonomische Profit wird über die ökologische Nachhaltigkeit gstöt.

Wäu a somene Forum wörklech öpis veränderet chönt wärde, weimer die Politiker\*inne uond Wertschaftsexpert\*inne zom heluege ond zuelose zwenge. Deför werds am 17. Januar, aso nöchsch Fritig, e setzstreik en Davos gäh, zom die wechtige Lüt zom handle z`brenge. Osserdäm werds e Proteschtwanderig vo Landquart uf Davos gäh, wo am 19. Startet ond am 21., aso am erschte Tag vom WEF z`Davos aachond.

Denne, aso am 21. Januar, werds de zDavos, gmeinsam med de Greta Thunberg, es «climate assembly» gäh, a welem de Klimastreik es eignigs WEF dorefuehrt, nd ou über die aktuelle, wertschaftleche, soziale ond klimapolitische Froge diskutiirt. So chöne mer vorort uf d`Weichtigkeit vo däm Träffe ond de Klimafroge ufmerksam mache!

Set 50 Jahr beasprocht s`WEF für sech s`Image, de Zuestand vo de Wäut zverbessere ond esch demet kläglech gschiiteret.

Mer stoi für wäutwiiti Klimagrächtigkeit ii ond fordere drom ändlech ärnschtznämendi Tate.